

資治新書 三集

			五	漢
			一	書
			九	門
			八	類
		四	函	
	二	六	架	
	四	冊		

庫文閣內		職官	
元	五	漢	
二	一		
五	五		
四	八		
架	號		
內閣文庫			
番號	漢	5158	
冊數		24 (11)	
函號		297	28



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



李笠翁先生蒐輯


新增資治新書二集

芥子園藏板

資治新書二集序

笠翁李子裒輯縉紳先生
吏牘之篇為一集曰資治
新書既已懸之國門為海
內誦習矣茲復廣為搜採

資治新書二集序



嗣成一書特以示予以予
老于吏事也屬予一言以
識其槩予受而卒讀之皆
一皆賢公卿所以裁斷庶
事檢察人情者當其一行

作吏或分符郡邑或秉節
方州其間幾務紛投衆心
隱伏長才遠馭之人既不
難以片楮相昭揭一詞爲
折服而笠翁又取而衡論

之去彼取此確有折衷如
酌生民之利病而陳之大
吏也如攝兩造于庭而奏
當不易也予披翻故紙三
十年出之入之于此拊心

自問尙茫然無以自必而
笠翁從屈首鉛槧中博明
世事之變綜括頤亂之揆
至于如此之悉使出而宰
制一方必能理繁治劇應

機而給取之胸中之夙儲
無不裕如者抑何其度量
之相越乎予嘗推測其故
蓋笠翁雖以高才未遇無
經營天下之責而讀書觀

理端以世務人情爲符合
室家之安危未嘗不以懸
諸慮也里巷之尾瑣未嘗
不求得其通也以故生平
之心述不務爲無用之學

間以緒餘衍及誌林說部
諸編而縱橫出之雜以裨
官家言無不曲而中信而
有徵也而說者謂笠翁少
年駘宕之言至是而盡遞

嚴正是未深知笠翁者也
古今著作宏多亦經四子
之書實與二十一家史乘
相爲表裏蓋言理者不徵
之事則無稽而言事者不

衷之理則無所守也故以
笠翁今日之書爲正斷昔
日之書此猶漢人引經以
斷事而以笠翁昔日之書
爲叅驗今日之書此猶說

經者分配漢魏以還而無
不合也由是言之則資治
一編豈偶然也哉經濟必
本人情理學不遺瑣曲是
房杜周張胥于是編見其

合矣將見奉是編以逞爲
良吏爲名臣而學士簡練
爲揣摩亦必有經國之訄
謨可拜獻以爲先資以視
前集固有合美也又豈名

法之所能盡也哉雖然卽
以名法言之亦有不可盡
掩者蘇明允曰吏胥之人
少而習法律長而習訟獄
老姦大豪畏憚懾服吏之

情狀變化出入無不諳究
因而官之則豪民猾吏之
弊表裏毫末畢見于外無
所逃遁也豈非識肯務者
識

康熙丁未孟冬吉旦管理
江南江安等處督糧道
布政使司叅議加二級
前福建左右布政使按
察司按察使總督京省

錢法戶部右侍郎協理
院事都察院左副都御
史櫟下周亮工撰

周亮工

櫟園

資治新書二集總目

是集分類取材，非但不同于坊刻，即較本堂之
初集，又加備焉。凡可資于吏治者，纖芥無遺，絲
毫不混識者，但觀總目，即知作者苦心。天下古
今之書，更有便于此者否？初集暨坊刻所
有者，一篇不載。

卷之一 文後部

錢糧計分十二類

催徵計八篇

起解計五篇

請蠲計六篇

總目

請綬計一篇

請停計一篇

請減計二篇

餘載第二卷

卷之二 文移部

錢糧

議折色計二篇

議加徵計一篇

議科派計二篇

議協濟計一篇

議封貼計一篇

查完欠計四篇

治欺隱計一篇

詞訟計分五類

審欵件計二篇

慎招詳計一篇

嚴聽斷計二篇

禁差擾計一篇

催完結計一篇

卷之三 文移部

學政計分十三篇

諮賢否計一篇

取優劣計五篇

查匪類計一篇

申劣衿計一篇

復衣頂計二篇

嚴守詞計一篇

舉鄉飲計一篇

旌節孝計七篇

議禮儀計二篇

議從祀計一篇

祀名宦計二篇

祀鄉賢計四篇

庶務計二篇

卷之四 文移部

軍政計分十七類

督兵勦禦計六篇

留兵防守計二篇

諮訪虛實計一篇

誠戮生擒計一篇

撥令固圍計二篇

飭令清野計一篇

請發軍餉計五篇

解運糧草計七篇

措辦舟車計三篇

派發夫馬計四篇

招安反側計四篇

安插叛誠計一篇

餘載第五卷

卷之五 文移部

軍政

拔補將領計二篇

添裁兵馬計二篇

約束兵丁計三篇

製造軍器計一篇

庶務計十篇

錢法計分二類

鼓鑄計一篇

行使計一篇

漕政計分三類

催趨漕糧計二篇

監造漕船計五篇

委用衛弁計一篇

屯政止一類計一篇

卷之六 文移部

河工計分四類

柳料計一篇

人夫計一篇

錢糧計一篇

工食計一篇

水利計分二類

濬信開淤計一篇

築新補舊計一

鹽法計分五類

禁私販計二篇

驗引帖計二篇

改鹽埠計一篇

改食鹽計一篇

庶務計三篇

權政計分四類

禁橫在計一篇

禁私抽計一篇

革陋規計一篇

免零星雜稅計一篇

蘆政止一類

驛傳計分四類

驛馬計一篇

驛夫計四篇

錢糧計一篇

協濟計二篇

修造計分六類

城垣計一篇

橋梁計一篇

道路計一篇

儒學計一篇

營房計一篇

保砦計一篇

科場計分四類

裕號房計一篇

慎膳錄計一篇

嚴對讀計一篇

禁報卒計一篇

卷之七 文移部

官常計分十一類

論登在計二篇

止參謁計一篇

禁餽送計一篇

取賢否計五篇

端吏治計二篇

朝覲計一篇

考滿計一篇

辭印務計二篇

請交代計一篇

給文憑計一篇

庶務計三篇

民事計分九類

招徠計二篇

開墾計五篇

丈量計二篇

編審計一篇

卷之八 文移部

民事

戶役計四篇

差徭計二篇

積貯計一篇

鋪行計一篇

庶務計六篇

盜賊計分三類

弭盜計五篇

緝盜計一篇

駁查計二篇

災荒計分三類

報荒計四篇

救災計二篇

祈禳計一篇

鬼神計分二類

封神計二篇

告神計三篇

僧道止一類計一篇

祥瑞災異止一類計一篇

天台新書二集總目

六二四

文部部

錢糧計分七類

勸輸計四篇

禁兌支計一篇

革陋規計一篇

禁橫徵計五篇

禁包攬計一篇

禁捺摑批廻計一篇

禁民越境避糧計一篇

詞訟計分五類

勸息訟計一篇

論停訟計一篇

禁請託計一篇

禁詭息計一篇

禁有司濫徵贖餒餒計一篇

盜賊計分二類

飭防盜計一篇

禁諱盜計一篇

逃人計分二類

窩隱計一篇

假冒計一篇

卷之十 文告部

刑罰計分二類

禁酷刑計一篇

革私禁計一篇

學政計分八類

較文士計六篇

較武士計三篇

禁冒籍計一篇

戒負緣計二篇

端士習計一篇

禁保官計一篇

設義學計一篇

庶務計一篇

軍政計分七類

召募兵勇計一篇

約束兵丁計三篇

禁虛冒兵餉計二篇

撫兵計四篇

安民計二篇

調劑兵民計二篇
撫賊計五篇

卷之十一 文告部

漕政計分三類

除漕弊計七篇

簽運弁計一篇

簽運丁計一篇

鹽政計分四類

革陋規計三篇

嚴所掣計一篇

禁私販計二篇

定商綱計二篇

稅務計分二類

戒隱漏計一篇

禁私抽計二篇

驛傳計分二類

甦驛困計一篇

釐驛弊計二篇

卷之十二 文告部

工役計分三類

舟楫計一篇

道路計一篇

橋梁計二篇

官常計分四類

諮訪利弊計六篇

誠下僚計八篇

飭吏胥計五篇

解任留恩雜示計二篇

卷之十三 文告部

民事計分十類

清戶役計三篇

均田賦計一篇

招復業計一篇

勸開荒計一篇

禁勒報開墾計三篇

查隱漏地畝計一篇

重鄉約計二篇

嚴保甲計二篇

恤商民計六篇

庶務計一篇

卷之十四 文告部

荒政計分八類

救災計三篇

賑饑計五篇

疏海禁計一篇

禁販人口計二篇

勸周貧佃計一篇

禁索私債計一篇

祈晴禱雨計二篇

勸民修省弭災計一篇

風俗計分九類

禁尚奢靡計一篇

禁止游觀計一篇

禁尚邪教計三篇

誠輕生計二篇

勸埋柩計一篇

禁質女計一篇

禁銅婢計一篇

禁造訛言計一篇

禁屠牛犬計三篇

卷之十五 判語部

人命計分六類。凡因姦致死者人姦情內

弑逆計三篇

謀故毆殺計二十九篇

餘載第十六卷

卷之十六 判語部

人命

威逼過失計五篇

誤殺誤傷計五篇

平反矜疑計十一篇

假命誣計計十七篇

卷之十七 判語部

盜情計分六類

劫盜計十五篇

竊盜計二篇

窩盜計二篇

盜屬計一篇。賊盜家屬也

平反矜疑計十三篇

誣良為盜計六篇

卷之十八 判語部

叛案計分四類

謀叛計二篇

通賊計四篇

平反矜疑計五篇

誣叛計二篇

姦情計分六類

淫蒸計二篇

強姦計八篇

和姦計十二篇

姦拐計二篇

因姦致殺計十二篇

誣姦計九篇

卷之十九 判語部

吏議計分五類

貪酷計七篇

縱蠹害民計二篇

諱盜不申計一篇

城池失守計一篇

棄職潛逃計一篇

衙竊計分二類

卷之二十 雜總目

七

侵挪庫帑計一篇

詐害良民計十八篇

舞文計分二類

增減文書計一篇

代書增減情罪計三篇

誤公計分三類○衙役違悞公事也

解犯疎虞計二篇

囚犯越獄計二篇

遺失公文計一篇

科場計分二類

懷挾計一篇

假冒頂替計一篇

逃人計一類計二篇

左道計一類計三篇

勢宦計一類計一篇

劣矜計一類計三篇

豪民計分四類

道糧計四篇

拒差計一篇

把持衙門計一篇

准作奏書二身

武斷鄉曲計一篇

鹽法計分二類

私販計四篇

假引計一篇

學政止一類計一篇

稅務止一類計二篇

勸詐計分三類

兵詐計二篇

民詐計六篇

誣詐計四篇

卷之二十判語部

犯上計分四類

誣官計五篇

逆親計二篇

背師計二篇

奴僕背主計四篇

婚姻計分人類

強娶計一篇

逼嫁計一篇

賴婚計三篇

古今事考一集總目

七

悔親計一篇

悞婚計四篇○嫁非其偶也

苟合計四篇○即先姦後娶

賣妻告贖計一篇

買良為賤計一篇

繼嗣止一類計二篇

撫孤止一類計三篇

墳墓計分四類

爭墳計六篇

傷墳計二篇

掘墳計二篇

砍伐墓木計四篇

田產計分四類

爭產計十三篇

爭家私計四篇

告賣告贖計一篇

侵官地計二篇

租債止一類計二篇

爭毆小憤止一類計六篇

資治新書二集

資治新書二集卷之一目次

文移部

錢糧一催徵

通行各屬徵糧檄

趙君鄰

察弊催糧檄

賈膠侯

行藩司督徵錢糧檄

韓心康

議差糧里催輸回文

佟壽民

詳督撫兩臺

周櫟園

勸諭八屬輸糧

吳六翮

通飭催徵錢糧

佟壽民

資治新書二集卷一目

通飭籤催餉案

佟壽民

錢糧二起解

請禁捏填解員

佟壽民

請飭蘆差

佟壽民

牌查徵多解少

紀子湘

詳請幫解預料申文

周宿來

錢糧三請蠲

請蠲臨鞏二府練餉

顏澹斐

再請蠲臨鞏等事

顏澹斐

請蠲住罰銀兩

佟壽民

請豁安平正

葉函公

覆遂昌縣寇荒詳文

周宿來

錢糧四請發

緩徵屯糧詳文

顧南樓

錢糧五請停

綾紗紙帳事

周櫟園

錢糧六議減

減徵屯額回詳

袁輔宸

減徵屯糧回詳

袁輔宸

資治新書二集卷之一

湖土笠翁李

漁菟輯

偕沈心友佃訂

錢糧一催徵

通行各屬徵糧檄

浙江趙君鄰

諱廷臣奉天人

為催徵關 國計民生吏治第一要務等事康熙七

年正月初六日准戶部咨開浙江清吏司案呈奉本

部送戶科抄出該本部覆浙江總督趙題前事內開

今天下民生之利害亦多端矣臣謹就催徵得其法

百姓受無窮之利不得其法百姓受無窮之害者詳

言之夫徵糧之法至不一矣苟能寓撫字于催科雖

資治新書二集卷一

一

芥子園

三徵並舉卽百姓亦受其福是故加意百姓之有司必于催科致其懇懇加意有司之督撫亦必于催科試其賢能蓋催科不擾其餘可知也抑催科不擾其餘皆可不問也邇來催科無法其弊有八惡勞喜逸不親簿書一也假手戶書任其自便二也止核里欠不積戶欠臨比不清移甲爲乙三也里立圖差責比催辦入鄉叱咤坐索酒食欠者貢金完者代比四也一月六卯限勒期迫四鄉之民僕僕道路公私咸悞五也見徵帶徵並且而比民無適從而皆拖欠六也軍需不可緩也而開徵則數溢于軍需協餉不可緩

先列八
弊後陳
八法徵
糧利病
盡于此
矣後此
陳言者
卽謂求
至當亦
不週全

也而追比則過倍于協餉起存宜有先後之分也而催徵則無分于起有七也筆楚列于堂下授夾並干一刻小民畏一時之刑有重利稱貸減價變產而不顧者雖明知剝肉醫瘡且救目前不復計死八也八弊之外又有坐管經承之費有坐差摘追之費有奔馳之費有守候應比之費有轉限寬比之費有倩人代比之費小民止有此膏血多一分之勞費必致少一分之正供坐此積弊糧終不完而民日以困不特民困官亦受累然則催科非能瘳民而以催科病民者不得其人與法也今誠欲得其人與法而行

無此其
大成之
為倫矣

之始。隋當飛戴星而作秉燭而息。事事精察。戶戶詳
細。此以勤補拙之法。可行也。坐簿必別流水紅簿。必
出親手。張欠李欠。完多完少。毫忽經心。此不假手混
徵之法。可行也。里有總數之欠。戶有散數之欠。若止
稽里欠。不稽頑戶。則催比代完者。身任其事。而拖延
不交者。轉屬局外矣。臨比分別洞若觀火。此澄清完
欠之法。可行也。官之精神有限。役之機變無窮。臨比
之時。按簿而稽。如圖差催欠多者。赴比必無受賄之
私。催欠少者。應卯必有賣放之弊。此禁絕大戶躲避
之法。可行也。民無多力。比數大多。則一時交納不起。

此限太勤。則日日奔馳。不遑寧減。卯而官比勿濫。比
而增。卯此留餘力與民之法。可行也。民無多積。今日
完見徵。必不能完。帶徵今日完。帶徵必不能又完。見
徵分限而比。先比見徵。後比帶徵。此用一緩二之法。
可行也。本省軍需要緊。鄰省協餉要緊。解部項下要
緊。約數先徵俸薪。可緩且緩。工食可緩且緩。大凡存
留可緩且緩。先其急而後其緩。此分別先後之法。可
行也。急公好義。人情大抵皆然。誰肯甘心遭糧。忍辱
受危。為有司者。止以箠楚為能幹。而箠楚之外。一無
別法。止以梭夾比為長才。而梭夾之外。毫無鼓舞。

語王論
權可作
求署

民安得不重利借債減價賣產者乎錢糧固完而地方則壞矣聞廉有司禁革火耗月吉之日集士民而約之曰但能交完正賦切勿再添耗羨天平不敢欺天法馬不敢違法人未有不爭先交納者矣又聞良有司比糧禁絕差擾城有歇保則禁之倉有坐催則禁之定限徵比去其差擾凡一酒一飯無不為閭里節省人未有不交納恐後者矣又聞賢有司比糧不動聲色遇良里殷戶依則交納以花紅鼓樂送出縣堂人皆歡悅惟恐輸將不及矣遇紳士大戶方開北期盡數先交或給匾額或予以獎勵相率而傳惟恐

苟得其
大則法
可不設
先至立
法正慮
不得其
人耳得
平之語
非湖源
窮本者
不能道

趨納不勇矣遇窮民小戶有谷帛而無售主有雞豚而待市販或代為設法或曲示變交田父村叟感而流涕因之相勸全完矣此又催科而兼撫字之法可行也夫徵糧之能存乎其人不在乎法然而不得其人而循法行之亦得半之道也今日之為有司者誠能酌此法行之又益之以精勤兼之以明敏實徵冊籍俱立實在戶各以杜詭計推卸之弊流水紅簿俱送本府印發以杜私換侵蝕之弊易知由單必遍散窮山深谷以杜橫索之弊如是雖有頑戶好書無所用其蠹偽上裨國計下蘇民困豈非吏治第一要

務哉。雖臣等于浙屬。見在立法通行。若催徵得法之
吏。若不稍示勸勉。則錢糧全完。地方受福。與錢糧不
完。與地方暗壞之有司。又何所分別。伏懇
宸衷垂察。勅部酌議。如有催科與撫字兼用百姓
無迫呼之擾者。許督撫查明據實題請。以憑獎勵。如
是則督課催徵之羣吏。敢不留心民瘼推廣
皇上嘉惠元元之盛心哉。云奉旨允行。在案。咨
移到部院。理合通飭。為此牌仰該司轉行督屬各衙
門。以後催徵錢糧。悉照本內事理一體遵行。俱無違
錯。須至牌着。

察弊催糧檄

陝西賈膠侯詞漢德
巡撫

為督催錢糧事。照得雍岐之地。素稱肥饒。雖云疊遇
兵荒。今非昔比。然為官者有民可治。奚難設法催科
為民者有力可耕。自合收糧辦課。不意該府州縣積
玩成風。除積年拖欠錢糧外。康熙元年某州逋負若
干。某縣逋負若干。二年錢糧每州逋負若干。某縣逋
負若干。三年見徵未及一半。屢經布政司嚴檄督催。
哀如克耳。本部院見爾府州縣官屢受叅討。不勝憐
憫。已經屢疏請蠲蒙 允在案。自謂百姓艱難。若此
有司困憊。若此不知地土凋殘。作何景象。富有鄭圖

所不忍繪而賈策所不及陳者乃昨以查閱鳳城經
 過其地目擊民情風土然盛世規模田野未嘗不
 闢禾稼未嘗不登乃獨于完糧一節浪濫若此者豈
 上天雨澤止及私田而不及我公耶抑地瘠民饑不
 通商賈坐金生粟死之病以致糧銀無自而至耶輒
 以嗔笑轉思之未得其解然不得不為爾官爾民代求其故
 為怒罵
 是必民有逋糧之習官有無藝之征衙役人等有外
 侵中飽之弊以至如此是當三分其過而急圖改竅
 易轍以振此類風者也除百姓衙役人等另有激切
 告示仰府頒行功論外今試為爾地方官籌之爾等

先生之加耗之故原欲利已詎知加耗則病民病民則法合
 撫泰也
 全用慈
 離不特
 威益其
 待下屬
 若序端
 然聞此
 三出後
 不待俸
 滿而擢
 者一時
 類人可
 見

無染指之弊有令誰敢不遵現奉有錢糧全完不論
 條滿即陞之 旨以此為利利莫大焉現今各處有
 司尚有賣田鬻產為百姓賠糧而得陞轉者被破已
 財為民爾等歛民財為己何賢不肖之相去亦至此
 哉合行嚴飭為此牌仰該府官吏即便照牌事理通
 行各屬印官此後徵糧在官則革除火耗本數之外
 勿得旁溢分毫在民則勉力輸將正供之內無許掛

欠絲忽在衙門人役各其純灰十斛瀦洗肺腸勿以
小民脂膏獻媚于官府勿以公家長物竊潤其私囊
以後額內錢糧若再有掛欠其罪不坐于民即坐于
官不坐于官民即坐于蠹役定須徹底澄清不似從
前姑息優容仍為請敬請蠲自冒欺公之罪也

行藩司督徵錢糧檄

江南 韓心康 諱世琦 巡撫 海州人

為有司更代愈速錢糧逾欠愈多嚴檄藩司加意督
催以免新舊推卸事照得 朝廷設官三年考績久
任責成此為定制祗為近年以來民刁吏玩逋欠成
風司農需費愈急有司徵解愈緩是以 朝廷萬不

先生疏
草盈車
無一非
救世議
論惜此
編不列

得已勤限嚴督苟有遲玩參罰隨加近來有司因錢
糧而革黜者比比皆是而江南一省尤多蓋以蘇松
等郡壤地濱臨江海賦稅實半東南如漕白二糧每
年起存本折以數計之不下五百餘萬欵項森列頭
緒如麻加以各作十分之新例此欵報完彼項掛議
守令甫膺斯職方將尋條覓貫徐圖振理而處分之
法早已議其後矣是以席未暇煖褫革旋加蘇松等
府竟無任及一二年之守令而府縣動有數十萬之
積逋欲求 國用之贏餘何可得也夫向以徵輸之
念緩而嚴此考成今以更代之過頻而愈增弊累本

奏疏而
先生別
填文移
又無從
購資此
文從素
議中化
出類見
一班至
廟堂若
畫一書
則傑作
居其年
矣

部院輾轉憂思不得不為 朝廷竭此愚忠籌一變
通補救之法除一面繕疏特請懇將以後錢糧未完
各官仍留原任帶罪督催仰聽

腎鑒勅議其允否不敢自必外茲一面嚴檄該司共

圖振刷夫邇來 功令愈戾而逋欠愈多者非盡民

窮財盡之故祇以府縣各官一選此地即自知其不

能瓦全是做官念頭先已灰冷一半到任之後豈能

望其踴躍趨事乎及聞叅罰之及視為固然惟有停

微膜視袖手談卸日聽新官消息以求急去而已于

是蠱胥乘交代而欺矇小民見廢更而觀望此猶為

數語可
作水看
一聯居

中人以上者言之也甚有不肖之員謂前途既無進
步此際何不營私乃于候代之頃猶鼠烹焚更無忌
憚此糧數之所以日混一日而逋欠之所以年積一
年也若更上不相因不圖振刷則江南一省之錢糧
為害不知安底雖日叅一縣月叅一府歲叅一司其
于 國法則盡矣而究竟于 國法何裨哉所望該
司屏翰一方佐本部院力為補救每于舊命被叅新
官未到之際刻刻慮其該靡時時加以鞭策察奸懲
蠹之法不妨太苛然苛于外者不必竟苛于內防侵
慮蝕之明不嫌過察然察于始者可以不察于終庶
齊子園

資台新書二集卷一

齊子園

官者盡
置三復

紛更于下者不致混朦于上而國課有能完之日矣云

議差糧里催輸回文

江南佟壽民虞寧人

為申明錢糧分限等事蒙總督部院郎批發某縣申詳云該本司查得催徵錢糧從來良法莫如挨催滾單所以保民實政錄內奉為便民之則例蓋州縣官每年開徵錢糧按定由單會計核造實徵糧冊列五戶為一單註定各戶額銀若干分為三限每限應完銀若干於單內額多戶上刊用催頭小紅印將一單之錢糧俱于彼責成各戶完糧銀即持單赴櫃照

串將完數填入單內用柜收印記該管糧書核明單內柜收印訖數算該本戶應完分數已足則改于次戶額多者為催頭是人皆畏催頭之及俱爭先完納惟恐後時倘有卧單不完不改懸牌示比在今江南省奉有從前奏銷一案紳衿衙役俱經處分懲劾一番誰復敢撓成法惟在經徵各宜留心清釐完欠每晚將日收流水紅簿繳至衙內并該房每日改過催頭底本兩下核對完數是否相符毋容虛減混改如有朦混差錯立行查究似此法在必行則錢糧何慮不完何慮其完之不速再如節年舊欠另設以彙欠

資治新書二集卷一

九

挨催單亦照前式開列一戶某該某某年欠某某項銀各若干俱排列單內一如前法上戶改下戶挨次輪流遞催遞改是新糧舊項皆得並行原可不用差催而速於輸納其法從來已久但無不弊之法所恃有不弊之人是惟在州縣官實心力行耳今若舍此良法而更求別策爲朝廷爲恤民而禁差今反爲禁差而議僉糧里議點殷實將通里之錢糧俱取足於一人一家切一里之內有十甲一甲之中有幾百戶及千戶盡皆良民乎盡皆富民乎勢必良者完而頑者欠富者完而貧者欠將頑者貧者之欠終日責糧里以代比是欲責糧里以代賠今歲僉幾殷實以歲再僉幾殷實一州縣有幾許殷實堪供僉累只消幾年糧里使殷實者盡爲貧窮其不逃亡不死徙者幾希矣況且按籍而稽誰是殷實誰是貧戶勢必奸胥猾手先僉趙甲再僉錢乙展轉更換未必不田多而有力者賄免反使田少而孤苦者克當抑有說焉者向來錢糧差役是因其本戶抗頑不納差人追逼則受累者猶在欠糧之頑戶今若不論其本戶完欠止爲殷實而坐以僉催則受累者不在欠糧之頑戶反在完糧之良戶矣桃僵李代其害靡窮俾朝廷

一畏愛百姓之深仁而奉行不善反為害百姓者張
本此議斷不可行也先據該縣會將前由具詳到司
本司已經嚴批駁令不准行在案今蒙憲批查議通
詳合卽謬陳管見詳候憲臺示奪云

詳督撫兩臺

青州周櫟園諱亮工
巡憲

為民困已極差役宜清懇行嚴飭以絕弊源事照得
錢糧緊急國憲森如本道督催嚴切無所不至但
念民力艱難勢窮四應欲于急公之中稍存休息之
意則目擊情弊有不得不直陳於憲臺之前者竊見
完糧完餉立有定限然小民未必如限完納則府不

得不差催州縣州縣不得不差催里社情也法也乃
有最無益而徒滋弊者莫如坐催坐催之設起于府
縣各官奉公畏法惟恐因循怠玩故專役守催以示
緊急之意初時未嘗不善乃日久弊生毫無實用辟
如府轄十餘縣則每縣有一專役自正月至年終朝
夕在縣督催縣管數十社則每社有一專役自正月
以至年終朝夕在社督催故名坐催此輩既得此差
視同三窟官差一人輒帶羽翼掛搭數人一至地方
索差錢索盤纏索往來銷號使費無日寧息甚者府
差至縣把持縣官乞恩乞賞稍不如意當堂拘鎖經

承不留體面。縣差至里社，唬嚇鄉愚，要拿要鎖，求其指歸，不過詐索錢鈔，殃及鷄犬，果能不悞。國課猶云事有緩急，勢必先急，公而緩在民所不恤也。無奈此輩鼠腹，既盈狐朋，相徇差役，日久情熟，花戶習見，狎生泄泄，沓沓但求腹飽囊充，不問兵楊民困，及至違限，仍舊別差，衙役提拿號件，晝攫夜謀，干人一鞭嗟乎。小民膏血幾何，既欲完錢糧，又要支應府差，支應縣差，支應提拿號件之差，一片窮皮剝而又剝，一副羸骨剝而又剝，錢糧猶可稍緩，而此輩虎狼立於面前，勢不得不以完官之正供先填，此輩之谿壑

則是欲緊而翻得遲，欲完而翻得欠，非策之善者也。伏望憲臺檄行府州縣官，將一切坐差盡行撤去，府專責州縣官，州縣官專責里社長，嚴立限期，務要如期報完，堅如金石，信如四時，若有不完，然後差役府提經承州縣拘花戶重懲，嚴追民亦無怨，又須嚴論去役，只辦公事，不許需索銀錢，詐騙酒食，而差役亦須輪流掣差，不得某地專用某人，以致在彼日久，釀生種種弊端。本官仍密加採訪，如有前情，立置之法懲一警百，使小民得以全副精力專辦國課，未必無小補也。至于一社之中，有一社長，卽是里長，每甲

各有一甲長里長催甲長甲長催本甲花戶法亦善矣乃于社長之外又設立社副各色有一社增社副二三人三四人者每年每人工食三四十五六七十不等增一人則增一人之工食復增民間供應此人之費用何不節省民力稍留餘地為交錢糧之計極大社分社長一人不能料理添一社副猶可其餘中等并最小社分則社副萬萬當輩者也本道一得之愚未敢擅專伏乞憲臺垂察。

勸諭入屬輸糧論

金華吳六翻
華陰人

為催徵積欠錢糧以防奏銷貽累事照得江南奏銷

一案除降革有司不論外其鄉紳生員之被褫革者小邑纍百大縣盈千三吳素稱衣冠之藪自經奏銷以後不特冠蓋寥寥縣署之門無復縉紳車轍即學道按臨考試每學不過數人追省其由皆衣冠二字悞之也向恃衣冠以護身人完我逋使糧長有司莫敢究詰今為衣冠而致禍入榮我辱致齊民胥隸皆得欺凌可見錢糧不完即官尊八座才富五車皆不足恃也金華八縣錢糧悉多逋欠致累考成其恃頑不納者未必盡屬編民必有為之倡者豈以三吳之法不可行于兩浙乎恐于奏銷之日本府畧倣前轍

則入邑盡蹈覆車邇來名器之難十倍往昔既忝父
母斯民之責不得不代為惜之為此牌仰該縣官吏
卽照牌事理大張曉諭云

通飭催徵錢糧

江南 饒憲 佟壽民 廣寧人

為再飭催徵錢糧以速完解事照得本司綜理藩務
越今三載所日與各屬諄諄誥誠者唯是錢糧關切
考成事在同舟當思共濟若能依限全完題敘紀錄
上下攸同倘或遲悞愆期叅罰一體受累較此閒頭
奚容漠視奈各屬錢糧無論緩急多寡任憑絡繹追
呼一槩視為故紙甚至撥餉欸頑茫然無聞直待提

迫非以從前完解之數支吾卽以撥數有浮之詳混
請殊不思各屬錢糧原有定數每年開徵卽應設簿
將通年起存各樣錢糧合一原額大總凡撥有餉欸
卽填某硃語于下撥某某餉若干定限某月全完此
限非屬套行迺奉部題定遲則叅處陸續完解卽添
註批號年月日期查掣批迺迨銀全解批全掣方註
本餉全完其有未完早晚一為查檢果能如此其間
及限過限觸目警心方且自催不暇亦奚俟本司百
檄千呼其舊餉則截算至上年終止未完某年某某
餉若干附入簿內以後奉院催提暨本司催提則於

簿頭上註某日催一次再催再註但見催次之迫卽當竭歷起解如此源委澄清各屬自知上緊不至那移墮悞有累考成合亟通飭爲此牌仰某府官吏查照來文事理卽將各年各項錢糧通查完欠設簿稽查仍申送本司察對明白收置案頭力圖速竣此後有悞本司唯于該府是咎決不以解比縣胥塞責了事除提究該府經承外定以揭報從事

通飭截催餉案

佟壽民

爲特設緊籤以省差擾以速餉案事照得本司前事督催軍餉承奉 欽部憲行原俱各有定限所望各

屬留心完結更何容差檄交呼無奈諸司墮悞漫不上緊致定限已逾仍復不應勢不得不差人守取縱使去差萬分奉公終不能自帶口食此非本司樂爲皆該府州縣有以召致之也切本司兼轄江淮八府五十三州縣各廳衛所奚啻及百衙門有何一項錢糧不急有何一項案件不緊比如錢糧原額數多或一時不能全解寬期陸續情有可原若夫三百二百兩之欠額與數十數兩之零逋但一觸目警心何難立時完辦再如重大案件或冊卷浩煩定需時日若查駁登答覆勘核詳止用切實妥確一紙覆文便可

照轉了結。是完一件。卽少一件之催呼矣。况向來極
視爲泛常者。今新例倍嚴。其指摘如墜。任官員是也。
原係該地方密邇屬官。在任有無粘帶未完。平素先
已熟諳。臨時再一查察。卽可具結通詳。再申報丁憂
務查有無過繼。不過于本員具呈時。令其開明呈報
卽可隨報隨結。再起復給文。應查在籍有無于碍。原
任有無註誤。具呈日期。有無逾違。逐細查確。亦是一
詳便了。何至動煩駁詰積案糾纏。最可恨者。有奉行
通查事件。各府各州文結俱已齊到。或缺一縣結。或
少一府結。則此一案遂不得詳上憲之催呼。絡繹部
文之定限已逾。欲指參則似乎過刻。欲因循則已完
諸屬已止爲未完之一人。同罹違限之咎。諸如此類。
指不勝屈。若每樣差人。不但有背功令。且焉有如
許承快堪供。驅使令特立緊籤。本司宅內登號。絕不
假手該房。凡餉案不緊急。不發該屬。不急玩不發。上
去提軍餉銀。地方銷提經承人。到方銷逾限。決不再
催。輕則以怠緩稽遲揭報重。則以抗玩餉請參。法
在必行。免差省擾。凡此籤催事件。槩不許舖遞回詳。
俱着的差枚繳合行通飭云。

錢糧二起解

請禁擅填解員

江南 佟壽民 諱彭年 廣寧人

為請飭填解職官之例以稽考成以速完解事切照起解錢糧自奉題定成例批填職員領解所以杜侵漁而剔諸弊法至善也但法立弊生有如各屬州縣見錢糧催提緊急計無可緩即起空批僉填首領佐二等官職名押解及本司按批收銀該員茫未知覺詰其原委則以經承暗填職名未經知照之故或有批解千兩而該員止贖三五兩稟候續完交足者及至查收之後經年不清批廻久臥逮後復解欲儘

前批算清然後另起無奈批上解員又更他職非復前此姓名經手各別終歸懸空切以徵解錢糧原係州縣印官之事今以空批一紙卸肩於漠不與聞之屬員該員何辜而蒙此掛累再以不全未足之數使解官塘批受提不特事非其罪即懲究該員亦於公事何補夫屬員一小吏耳經承視為可欺有至填批之後全不為之清解者有視為渺未而經胥庫總故捐解扛不發將原編侵漁聽其掛欠而不顧者該員至被催迫不得已而稟之印官惟遭呵叱而已忍氣吞聲誰敢與之釐辯且錢糧至重關切該州縣考成

一經起批則凡有造册申報竟開某年月日批差某員解銀若干曾不反之於心逐一詳察此銀之會發與否也此法不飭印官借以躲藏未完縱至駁提追詰事已積月經旬反使無辜虛擔擅解之罪則是至善之良法反爲叢弊之淵藪矣錢糧慎於職守從前革吏役而飭用職官者唯以杜侵耗之弊今職官未侵而印官以之爛燂完欠致經解職官凡遇有陞轉丁艱事故查其管解批廻未經清繳勢必留俟稽查窮員終日苦求伺候逐項清楚每至衣衫襤褸飯食不周哀號萬狀此等窮員賠無可賠貸無可貸如近

此百世
不易之
良法非
先生不
能始之
吾知此

日吳縣鄭嗣產之查駁未結宜興縣宋時化之尙俟掣批嘉定縣周旭芳之詳批未定太倉州陳永吉之協部未許諸如此類指不勝屈嗟上此等盡自作之孽乎抑代人受過乎總難逃憲臺之洞鑒以本司之未議不若請乞憲臺鈞裁飭行各州縣凡起解錢糧批內竟填正官職名每于發解之時多者正官親自投交少者本官差家丁押解在正官則以已任已事錢糧關係甚重決不委之於不堪重托之人本司向年任事高唐曾行此法凡解錢糧批上必填本官卽近日江南各縣亦間有行之者現據無錫吳江二縣

書行後
在在傲
行不獨

每解錢糧節次俱差家人賫兌毫無掛誤按數掣批
總是以

江南一
省為然
矣

朝廷錢糧為重則填縣官之職各自不為輕向在首
領佐貳恐被印官與經承欺虐虛捏暗填今在印官
又誰欺之若欲自欺誦憲則有考成之定例在可以
據實指參况通年起解錢糧總是此員職名總是該
州縣親自經手空批之弊既絕掛欠之患亦無凡此
者端責成速解交清掛欠杜捏造上下得免牽混是
亦清釐錢糧之一道也矧

朝廷設此一官即有該地方經管執事每年有遷點

本色顏料藥材布絹青藍官布紙張等項與夫本司
差解滇閩楚粵各省協餉以及縣內有徑解總漕總
河等別樣錢糧再責以解司之紛差則是身任地方
止憑上下差遣終解一項復差一項前項未清後又
復起將經歲窮年奔馳遠近為官之日少聽差之日
多恐非

朝廷設官之初意也若得免此紛差不致虛填受累
將來委解外協富無不奔命恐後者是皆憲臺造福
江南無不焚香祝頌矣至於從前各批仍飭該州縣
印官逐一查明已發未發已發足未發足者責令

經手完交。其有未發與發而未足者。卽於該州縣清
補。分別涇渭。以杜葛藤。如果未議可行。統候憲臺牌
飭遵奉。

請飭蘆差

佟壽民

爲同樣錢糧一例起解。請禁差徭之舊行。以甦民困。
專案照司庫錢糧。惟管轄各屬地丁正雜等項。向來
奉文官解。州縣僉委佐貳職員。押解到司。近以佐貳
每因州縣差解錢糧。有與批未發銀與發銀不照批
等弊。掛名貽累。種上苦難。隨經本司詳定州縣差解
錢糧。竟填印官職名。毋許貽累雜職。遵奉在案。近以

新奉部議。將蘆政錢糧歸併各轄。舊司管收。除經於
奉議之始。將原日蘆政衙門一切各役。盡行革除。又
復通行各州縣。凡收納課銀。不許額外加耗。申飭嚴
行。取具各遵。依在案外。迺查何日蘆課。舊規州縣官
獨以此項錢糧。不入官解之例。俱著蘆佃經管解司。
投交。切以普天率土。莫非王民。穀地蘆洲。豈容岐視。
同是一般。國課而有官解民解之分。何厚于地丁
而薄於蘆佃。卽本司併管伊始。合行查禁。已經牌行
州縣。將蘆課錢糧。悉照地丁事例。官收官解。無累編
民。但恐未奉憲檄。永飭遵行。恐將來不無仍引舊例。

者祇因僉差百姓經承便于需擾故始行則易經久
實難合無請乞本部院裁鑒若果末議有當亟賜通
飭永行亦甦民困之一事也

牌查徵多解少

杭州 紀子湘 諱 文安人

照得本廳前奉憲委臨縣督徵積欠據該縣回稱五
日之內徵過一萬三千零今本廳回若又經數日昨
查解府錢糧不及一萬之數不知此外之三千歸于
何處豈從前所報皆虛為暫緩一時之計乎抑將見
在扣作存留借上司之威靈役本廳如牛馬為爾該
縣官吏督催俸薪工食等項乎玩法罔上莫此為甚

仰縣卽解經承回覆

詳請幫解顏料申文

處州 周宿來 諱 茂源 太守 松江人

案查十六年分本色顏料遵于十七年正月內批差
青田縣典史秦夢德解京投納外其十七年分已差
本府照磨沈文卿採辦解京投納俱候獲批到日蓋
文中報其十八年分本色顏料蠟茶解官已將本府
龍泉縣丞畢光具文于本月十三日申報外俱查本
色顏料解京錢糧數目在浙省中寧紹金台溫五府
僅居其半而處州以彈丸山郡獨當其半而抑又過
之嘗有一縣之銀尚多于外郡一府其苦有不可勝

言者各縣徵銀解府。從府委官辦運。此一官者。以一身而擔數千金之重任。既非若他府之輕而易辦。而處府首領。止有經歷照磨二員。所屬十縣。惟獨麗青龍。緝有丞。又不若他府之多。而可遜。乃本員受委之後。須從蘇杭蕪湖等處採買。既恐未經諳練。及其運解在途。又慮風波叵測。幸而到京交納。更苦費用難支。本府自十四年到任以來。加意選擇。委任幸而屢解無失。然各員自京來歸。未有不痛哭流涕。自訴其貽費之多。與揭借之難者。乃各該縣將銀解府之後。便已視同膜外。及至解官獲批回口。更如充耳不聞。

宜現在一二末員。俱視此差為畏途。而避若湯火也。不特此也。今以數千金重務。孤授之于一人。窮員之來歷多。不可知人心之誠偽。更不可保設有敗事。咎將誰誘。且費用之廣狹。就彼自言。其苦良亦無人目擊。查得外府。凡本色錢糧解京。委官雖出府詳各縣。原有經承吏書。隨從到京。在外採運。既可協力在京。費用又得眼同。誠為補偏良法。合當詳憲舉行。但查本府十縣吏書。寥七無幾。赤窮者甚多。堪用者亦寡。如必每年每縣。各差一役。仍恐未能克數。擬于兩縣之中。合差一人。以麗水搭雲和青田搭景寧。緝雲搭

宣平松陽搭遂昌龍泉搭慶元每歲一官起行五役
協幫同往假如今年罷役先往明年雲役繼行其餘
各縣亦倣此例是十縣經承亦得更番休息而此項
重大錢糧採運之艱難既可衆力胥濟費用之煩苦
亦得共見難欺兼得互相覺察庶委官不致乏員而
上供可無他悞矣

錢糧三請蠲

請蠲臨鞏二府練餉

陝西顏澹叟諱敏
方伯宛平人

看得練餉一項原因兵餉不敷萬不得已始行加派
允屬官民自宜仰體軍國之憂及早徵輸何敢遷

延拖負自干罪戾無如臨鞏二府屬有實實難完之
由非士民之敢背功令有司之不善催科也今按
臨洮府所屬狄道等五州縣原派練餉若干嚴比三
年百姓賣男鬻女僅完過銀若干實不能完者若干
又州縣接收衛所未完練餉銀若干鞏昌府所屬隴
西等十七州縣原派練餉若干嚴比三年百姓賣男
鬻女僅完過銀若干實不能完者若干又州縣接收
衛所未完練餉銀若干本司口事督催心力俱竭屢
據州縣訴苦告難之文登案盈几細查難完之故有
三臨鞏二屬地非一等全書內分別起科原不一例



如臨屬之狄渭金三縣。河蘭三州。鞏屬之隰伏禮三縣。俱地分三等。秦州地分四等。徽州地分二等地。有高下。則糧有重輕。故每畝有科糧數升者。甚有利糧。止數合者。夫數升之去數合。不啻霄壤。利糧之始。豈不欲此而同之。亦度民力。地力有實。不能相等者。在也。今練餉。不論地方。腹裡與肥瘠。高下一概按畝。均派。每畝一分。卽边方之高。地已不同于腹裡之中。地勉力辦納。已自難支。况以边方薄瘠之下地。同于腹裡膏腴之中地。是霄壤之內。又霄壤焉。勢不能行。憑何輸納。此難完之故一也。再照禮縣每年正賦。只

五千七百四十四兩零。今加練餉。至一萬二千九百四兩零。徽州每年起運。止一千二百九十九兩零。今加練餉。至一萬六千三百三十三兩零。滑源縣每年起運。止一千八百七十二兩零。今加練餉。至三千九百九十八兩零。清水縣正賦。止銀二千二百四兩零。今加練餉。至五千一百五十二兩零。比之正賦。有加至二三倍者。有加至十數倍者。是以一年而徵數十年之賦矣。夫一年徵一年之正賦。尙有餘。連以一年而徵數十年之加增。豈能全納。此難完之故二也。他如隴西之逃亡。殆盡。寧遠之十室九空。西和之坍塌。

地畝未除。禮縣之接收鞏昌衛一切輿屯捏報之地。土荒殘者既苦無人。捏墾者又病無地。此難完之。三也。若夫地土之斥鹵沙磧。民人之披襁茹草。不通商賈銀錢。既無所自來。嚴霜早寒。穀米又無所自出。此又在在皆然也。小民日夜呻吟。吟州縣攢眉蹙額。不知幾歲月矣。邇者欽奉 上諭。案內有云。將十七年以前。凡一應催徵不得拖欠錢糧數目。開列于康熙元年十二月十九日題。本月二十二日奉 旨。據奏戶禮兵工四部項下直隸各省節年催徵不得拖欠各項錢糧甚多。關係國計民生事情重大。若槩行蠲免。恐國用不敷。若槩令督催。則稽延歲月。官民受累。究無濟于實用。今應作何立法催徵及應作何蠲免。着議政王貝勒大臣九卿科道會同酌議妥確具奏等語。欽此。在案。正在萬難措手之時。忽得千載奇逢之會。若不乘此籲免。世間無此見死不救之酷吏。亦無此見義不爲之懦夫也。雖奉部文。查至十七年止。但時有後先。而官民苦累之情。則同一轍。况催徵不得之苦。更十倍于十七年各項之拖欠。恐此項不蠲。在在逃竄已去者不肯復歸。未去者又將思去。豈惟練餉不完。將二年正賦亦半歸無何有之鄉矣。不得

卷一

不仰額憲慈代為請命

再請蠲臨罷二府練餉

顏澹叟

看得臨罷二府天末遐荒山高土冷地皆沙磧卽數十畝山坡尙不及腹裡腴田之一畝故民多穴處狀類乞丐復于十八年按畝加派練餉有與正賦相等者有過三五倍者甚至有過十餘倍者前詳備悉茲不贅陳今奉 旨照舊徵輸守土之官敢不竭心殫力冀完考成但已經嚴追三載欠者如故杖頭之血肉已盈櫃上之銀錢甚少實由地磽民窮更值兵燹之後人亡地蕪兼以興屯之官捏荒報熟在催徵之

官既畏考成戒嚴又慮一欵限期迫勢必重杖追比但使朝完糧而暮畢命所不顧也赤貧之輩既無家業難拋亦少妻孥可戀若不流徙他鄉勢必挺而走險竊恐熟田變為荒草黔首化作青燐猶細故也近邊之民豈可驅而為賊本司職司通省錢穀若止以考成自顧而使民間疾苦壅不 上聞是誠所謂聚歛之臣非盛世所宜有也事關 國計民生安危所係相應請乞憲臺憐民疾苦早賜具題以結難結之案者也

請蠲住罰銀兩

江南佟壽民 諱彭年 廣寧人

爲嚴催住罰銀兩事某年月日奉總督部院郎憲評
准戶部咨開陝西清吏司案呈查得直隸各省節年
文武各官住罰銀兩一項係已結之案原非赦免錢
糧之內并見在議革議降議罰可比本部已經行催
在案今直隸各省止將康熙元二三年銀兩造報其
順治十八年以前未完銀兩并無造報是何緣故再
住俸各案內或有陞遷事故歸旗回籍等官該督撫
卽應確查造報如歸旗者註明係某旗下人本部以
憑查追如同籍者該督撫卽行各官原籍火速追完
造報以憑查核可也等因云云某日又奉江撫部院

沈着痛
哭詳文
之妙不
有過于
此者

韓憲牌同前事條蒙仰司云云本司查得順治元年
至今二十餘載官更數十任年遠人亡冊卷遺失揆
之各司道所移各府屬所覆委係頭緒繁冗难于稽
造衆口一詞似亦實論獨是康熙四年三月初五日
奉有 恩赦內開順治十八年以前各項催懲不得
舊欠錢糧悉與豁免前侵盜庫銀不赦今俱着併免
欽奉 皇仁普天共戴則是欠錢糧之百姓已赦侵
錢糧之衙役已赦而此等官員住罰降俸多爲承催
此等民欠役侵徵比不得因公罣誤以致釀成積案
詎 聖天子洪慈浩蕩當不使此輩窮員反列不赦

之條况于今開造員各案件紙上雖有此數而其中
死亡相繼奚啻十之六七卽有一二僅存悉屬鳩形
鵠面衣食不周若再搜查回旗回籍之家屬株連而
追補之實恐徒滋繁牘未必有補于實濟也憲臺爲
下屬造命爲 皇上宣恩卽閣聞疾苦無不瀝情入
告况此輩窮員向日曾叨一命之榮今日反蒙不赦
之罪且不得與侵盜錢糧之蠹役共沾格外之恩于
情于理確有未協又近接邸報奉刑部覆浙撫蔣題
諮官員未完折贖既經該撫嚴追不得又事在赦前
相應免追奉 旨依議雖此等降罰住俸事隸戶部

第念降罰議加于在任之官折贖議加于斥革之官
官總是官赦總是赦若使現在之官反不得與斥革
之官一併邀豁能無向隅更有說焉者降罰住俸原
因該員食 朝廷之俸不應情悞因而罰之是從其
官俸起見乃其間則有本員俸止數十兩而一年之
內罰至數百兩者本員一任俸止百兩而終一任罰
至千兩者除本分應得之俸扣解外其餘數多浮溢
剗補無從懸欠未結計從前淹留地方之官多爲錢
糧粘帶今此等錢糧既已蒙赦而爲此等錢糧罰俸
折贖獨奉各部院之催呼各司道之追逼各該府刑

官之敲比狼狽不堪。道傍哭泣者指不勝屈。似亦不止。江蘇五府為然。而江蘇五府錢糧較他府為多。事亦復加冗。茲奉前因。兼據各司道府之移詳。敢謬為請。恩之初論。惟奠憲臺電察始末。倘得援例具題。請將順治十八年以前被罰之官。繪圖乞憐。或得邀恩。俞允。使生者苟延殘喘。于化日之中。亡者亦得瞑目于九原之下。是聖恩所被。皆自憲臺推廣之也。

請豁安平正賦

興泉葉函公諱灼棠江寧人

為舊荒日久積逋益深急籲憲慈備疏入告以蘇民

國事看得安平一鎮晉邑南藩向為富商洲數潛

錢糧四請緩

災民緩賦詳文

江南慕鶴鳴諱天頴陝西人

為災民困至萬分。緩賦事當獨任。請憲飭行兩全。國計民生事。竊照蘇松常三郡重災。其十二州縣之民困苦情形。不減于今日之淮揚。豈淮揚九歲七災。猶存孑遺之堪賦。而蘇松常自康熙三四兩年薦饑之後。去年一遭洪水。遂致饑荒若此之甚耶。蓋蘇松常三郡之糧。甲于天下。較之淮揚。科加三倍。向年壓征之例。本年錢糧。至冬月始行開徵。民力既舒。民財



募公為

長哀特簡

由憲副

而驅登

方岳一

扶江甫

自與除

無限利

盤端方

各屬吏

治一吏

恤災殺

賦其字

民之一

端也

朝廷知人

若此人

何故而

不為廉

吏哉

自祿。邇因省協兵餉。仰給于司農。就在省正供量入為出。計他省所入。僅足供本地軍需。而協餉則專賴江南。俱在二月開徵。未及秋成。先輸歲額。加以有司懼功。令而催科無序。致令貧民畏刑罰而興揭完。公于是江南之財賦漸空。而江南之蘇松常三郡。因賦繁災重而益困矣。然向猶終歲動始禾稼。既登償。通資食。猶有一日舒眉。延至來春。又從新典。揭雖極困苦。其力猶可支持。至舊歲再遇奇災。不第稻蟹無遺。亦且室廬漂沒。流離道殣。在在堪憐。富者貧而貧者丐。告貸無門。典質無物。惟有束手待斃而已。由

今觀之。戶口之存亡不等。田疇之荒熟相半。使得仁人撫恤。猶可望其起死回生。萬一再苦追呼。使之拋荒廢業。則將來流離死亡之厄。更有甚于淮揚為司牧者所不忍言者矣。噫。東南存軸為國脈。攸閉本司受恩深重。叨任是邦。敢不夙夜圖維。求盡愚忠。于萬一乎。案奉撫院批云。到司業經分行蘇松等府。確議去後。未據覆詳。本司展轉躊躇。此事不難於恤民。而碍於誤餉。然以百萬災黎起見。又仰休憲臺惠鮮懷保之心。何忍不身當艱鉅。以救殘黎。所幸康熙十年。分奉部撥解滇餉。為數止若干。本地各標兵

餉除撥解淮揚松鎮支給外司庫尙需若干合織造
等銀計算在四月以前實應在司庫解放者計四十
餘萬今將江甯等無災州縣解司地丁銀內悉照詳
奉憲元每月徵解一分之議算該四月中勒限完足
三分之數及原撥鹽課等銀共可得二十萬其不足
二十萬必於此被災十二屬內四月以前徵足方無
匱餉庚呼今計十二屬解司錢糧總數當有一百二
十餘萬內上年所報災田僅十分之四則將被災七
分以下并未被災熟田照例起徵四月完足三分亦
供可二十萬之急需况隨漕尙在仲冬本地存留可

緩是以本司再三酌議寬此災民一日之力可培
國家萬世之基議將太長等十二州縣悉以上年災
田內有被災八分九分十分者飭令于本災戶內註
明災田若干緩徵外其被災七分以下田并熟田應
納錢糧分作十分于二月起每月完銀一分至十一
月全完其被災之田應納十年錢糧竟緩至麥熟之
後農忙已過從六月徵起每月亦完一分十月起各
完二分務期冬底完足以副考成憲批一頒卽大張
告示使災民共曉盡力歸耕至于實有災而未報災
之上海與前詳已定之太倉同例計其分數酌量徵

收統容本司按各屬額銀數內定一章程。檄提催足。本司惟以恤民為念。斷不敢不問分數。濫差溢提。各印官亦毋許不分荒熟。濫責苛徵。小民各有良心。自當急公輸納。必不敢以熟田藉口。災荒致干國法。此一事也。本司實出苦心。寧甘自危于功。令憲臺俯垂慈照。即賜通飭以遵行云。

緩徵屯糧詳文

六令 顧南樓 諱高嘉 秀水人

看得六合一邑。旱七民三。錢糧大半出于軍衛。向因運被兵荒凋殘。已極。僅存之遺業。已十室九空。菜色之民。到處鳩形鵠面。衛丁之苦。由來已久。自今亢旱

為災。入秋不雨。所種禾苗。荳麥盡付炎威。僅餘鷄豕牛羊。勉輸正賦。溝無滴水。地不生毛。萬井無烟。千家號泣。流離載道。餓殍盈途。當此之時。即能免于死亡。已稱萬幸。奈何吏人抱牒。而呼窮軍。繫繫而比。勢必催科無出。迫為流亡。刻今棄田。慮携老幼。相率而鼠竄者。已十之二三矣。倘不急為緩換。則各衛之軍。盡為鴻鴈賦稅之地。悉成藜藿。將來錢糧何所自出。乎况此等窮民。一旦為凶荒所迫。勢必走死如鶩。其禍有不可勝言者。此更今日之隱憂也。職亦知錢糧關係重大。萬無可緩。然與其迫之而逃。逃而至于不可

知所餘一二衰老疲病不能逃者又必死于敲朴是
胥一邑而空之也胥一邑而空之究竟與國課何
裨何如稍緩追呼留此遺孑挽既散而使歸轉凶年
而樂歲古來經權互用似當熟計而急籌之也職目
擊顛連之情日見他離之苦不敢不為繪圖列狀上
請憲恩夫百姓有剝膚之慘而不以上聞其罪猶可
言也地方有壘卵之危而不以急告其罪不可言也
伏懇憲臺速布尺一之符暫寢催科之令使民心散
而復聚地方危而復安庶足感動天心立沛甘雨億
兆生靈賴以全活則憲臺浩蕩之恩被之世世矣

錢糧五 請停

綾紗紙帳事

福建周櫟園諱亮工
左籀 聯符人

看得綾紗紙帳奏 旨坐派江浙閩湖四省事關
尙方供用辦解寧致後時但閩僻處海濱年來山海
未靖勦撫之羽書交馳有司措餉之心血已竭凋殘
之景真有繪圖難畫者造紙必先取料閩中產料山
場江西浙江三省聯界自山妖蠢動依險負嵎母論
一草一木不能留存卽巔峯峻頂皆削爲平陂踞爲
巢窟尙顧惜產紙之竹木乎此閩抄造先苦乏料者
一也製造必資廠場始可居肆成事閩地自昔無

省江宗書一
上用紙廠前有抄造者亦必遠取諸江西浙江三省
交界之地地既相隔追呼未便以致解部愆期違式
駁回卽官匠抵法究竟無補於用今浦城所連江浙
一帶地面爲山寇盤踞日久行旅斷絕見今三省會
勦卽在造紙之地該地人民携竄流離廠地盡成丘
墟此閩抄造實若乏地者二也造紙首重匠役如式
樣尚下紙料厚薄須世傳作手方可勝官槽之任堪
脩宮闕之需設以新募初進之役濫充名數官選
入手造不如法卽責在承委之官匠而錢糧已不可
問矣日經查慣造之祖匠通屬上游之編氓當此兵

荒頻仍半屬逃亡半屬賊脅廬室桑麻已付灰餘遍
覓祖復杳無形影此閩抄造又苦乏人者三也有此
三苦是以抄造久廢解進無期自八年奉文至今兩
載承委之官仰屋無策孰延歲月徒煩部催職自閩
六月十二日履任清理積案心凜上供之難緩目
擊閩地之凋殘鯁鯁縈慮至廢寢興適閩邸報見湖
廣按察司僉事王錫隆脩陳楚省困苦紙張採買維
艱移咨江浙二省俱回咨稱人民四散無從脩辦現
經工部疏覆奉

聖旨湖廣綾紗紙帳暫行停止俟年豐民安時請

旨定奪欽此仰見

皇恩浩蕩楚民更生今閩省之苦殆有甚於楚中者
上游山寇載道加以五月不雨赤地千里苗蕪失望
饑荒是虞下游地皆濱海年來軍興孔棘丁壯斃于
鋒鏑老弱困于轉輸正供催科不給再益以造紙之
差勢必覓料覓地覓人百姓萬不堪命前歲伏奉
恩詔抄造紙張福建減免三分業荷
聖慈坐照萬里之外而民力已竭敲骨難應職承之
茲士目擊慘傷故敢冒昧援楚省已行之例俯為閩
民請命伏乞亟賜咨題暫准停止以俟年豐民安之

日請 旨定奪倘得邀 俞允庶幾天未窮民普沾

無疆之禮福矣

錢糧六 議減

地方之敝壞日甚等事

江南慕鶴鳴諱天顏
籍憲 陝西人

奉督撫各部院憲行開准吏部咨開通查所屬地方
從無陞任之官因何事故悉心確察作何調劑不致
枉棄人材緣由到司奉此該本司查看得

朝廷設官分職無非愛惠斯民之意士子策名奉公
無非耐報養士之恩故凡牧民者苟非喪節敗檢靡
不自知勉勵稍期振拔乃惟蘇松等郡長吏動多錯

卷一

卷一

職止爲錢糧未清羈留緊累項背相望面目堪憐三
十年來求其陞轉寸階如河清之難覩是豈
朝廷之法獨嚴于蘇松之官而蘇松之官豈盡庸劣
才短者耶夫地方之艱難民困也人才之廢棄官困
也使民困而有益于官官困而有益于民卽官民交
困而有益于國在盛世猶不願有之而况民則日
敝官則日壞毫無裨于國家之萬一可不亟爲調
劑補救之方者乎本司謬叨簡任方在力圖興革茲
蒙

皇上特准臺臣條議頒

旨訪查遵奉憲檄採集屬郡之議茲陳其重大切要
者二端一則曰錢糧額重征輸難完夫江南賦重甲
于天下而蘇松二府尤甚計其額糧不惟較他省輕
重懸殊卽較接壤之常鎮亦已倍而有餘考其由來
明初以張士誠竊踞蘇州怒地方之附逆抗順遂取
民間租籍照額定課故常鎮之田每畝科平米一斗
五六升下至八升五升不等蘇松獨有浮糧重在明
朝雖已屢減猶每畝至三斗七八升至三斗二升三
斗五升二斗三升下則之田亦科一斗九升大收糧
不能倍于他處之產而輸課獨多于他處之額歲豐

則穀賤傷農入不敷出一畝之租未能完一畝之賦。歲凶則顆粒無收追比不應一畝之糧反增數畝之費。富者貧貧者逃在小民膏血無存有司智勇俱困付之無可如何。且額徵之課奉撥緊餉完解稍遲卽膏譴謫席未暇暖已造交盤故削職者殆無虛歲而通賦者終成越波。今通計蘇松二府自元年起至九年止民欠未完起存錢糧九十二萬有奇。司府之催釐已筆秃而唇焦。州縣之敲追止血飛而肉爛。官徒削籍節竟虛懸。此實因賦重以致地方敝壞而杜棄人材也。一則曰坍荒田地缺額無補。夫三吳州縣有

地處極高。遇旱則無水可斥者。有地處極低。遇潦則連禾漂沒者。如此硠瘠之區。全藉雨暘。時若庶幾可望薄收。否則終歲勤動。竟無顆粒之登。然

皇恩。猶可極恤。良吏。猶能補救。若板荒坍。江坍。海公占田地。未經請豁。累民包賠。其苦實甚焉。沿江沿海州縣。如太倉。嘉定。常熟。上海等處。怒潮衝擊。沃壤立付洪流。沙土崩頽。片刻能消數頃。始也坍去。猶少攤賠。已屬難堪。繼而日削月深。逋累漸多。逃絕無田。無主。縣官向誰徵索。其不束手掛愆。豈可得乎。至板荒之田。大抵在高燥之區。佃戶拋逃。業主故絕。相沿數

十載一望不毛。即使廣為招募，給以牛種，土堅如石，草根盤結，艱于犁鋤。況地絕水源，栽種之後，仍無灌溉，斷難開墾。墾科者，此册荒板荒之害，額糧何從措辦？此外則又有公占之荒，公占者，馬路橋梁烽墩土堡營房等類是也。太倉常熟崑山嘉定上海等州縣，俱有公占田畝，及長洲丹陽武進無錫逼近官塘去處，又有馬踏荒田。一國家為封疆之計，立堡設墩，修築馬路，無非保護斯民。但沿海各省，遷截界外田糧，例俱蠲豁。此雖非遷截者比，然地已為朝廷公用，貧民且悲失業，豈堪又苦賠糧？不知當日

有司何不申請豁除，錮害一至于此？今通計蘇松常鎮揚江州海板荒，公占荒田，未完各年錢糧，不下數十萬。在有司，即八面長才，亦有不力竭計窮，蒙冤削職，實為此荒缺，以致地方做壞，而枉棄人材也。夫賦額之繁重如此，荒糧之遺缺如此，而明季時，州縣有司完及七分者，即得報最，故徒間有陞任之官，即我朝功令，甚嚴，徵解錢糧，必期十分完足。而祖章皇帝時，未完不及一分者，亦予免議。今則未完一分以下者，州縣罰俸一年，司府罰俸半年，俱停陞轉。夫各州縣額徵起存地丁，雖多寡不等，分釐俱開

考成即使賦非重額田無荒廢而巨萬金錢豈能無零星尾欠槩以嚴法繩之惟有坐受叅處叅瓠州縣而言之或有勉完及額者至于知府管轄各屬此縣卽已報完彼縣又或掛欠此項偶或無欠他項又仍未完叅差不齊勢所必有而統計其管轄應完之數稍欠分釐卽列仕罰之條似非鼓舞激勸之道如蘇松常鎮四府無一歲能全完無一官不叅者矣若夫藩司統轄歲額三百五十餘萬蘇松等處四郡錢糧最繁鎮或完而常不完常鎮或完而蘇松不完總計歲額卽使竭蹶督催或不欠至二分之一之多亦止能

完及九分以外若槩與他省錢糧易完之藩司一列奏考自不免掛名叅罰矣惟考成如是之嚴叅罰如是之迫州縣官思爲苟全功名之計因而那墊欸項通年不清前官所缺之銀爲後官之代累歲復一歲官復一官卽今錢糧逐年那混案內撮借至六十餘萬兩有奇非章明較著者耶此外更有無編之欸最緊之需如修造沙船備辦將軍船隻巡界章京供應藩兵養馬閩浙來往滿漢官員船隻等項動關軍國重務應付刻不容遲既無額設錢糧又不敢私毫分派自不能不動撮厘帑以應燃眉迫詳請開銷申憲

資治新書二集
達部核駁又需時日及至大部准銷之時經振之官先已被叅降革矣而况未經咨銷者盈千累百蘇松常鎮四府那混案內透冒至三十九萬五千餘兩豈盡官役侵烹入己者乎此賦室賠荒以致墊應之累地方做壞枉棄人材不得不痛切并陳者也今奉旨確察此等各地地方從無陞任之官緣由遵經歷查本司所屬州縣如蘇州府之太倉長洲吳縣常熟崑山嘉定崇明松江府之華亭婁縣上海青浦常州府之無錫宜興鎮江府之丹徒金壇計十五州縣自順治年間以至于今從無陞轉之官指其名歷歷可數

邇其事多因考成或開闢之初有一二量移者爾時功令猶寬也或以貪殘露章叅處仍有錢糧未清者間有乍轉而新任之席未暖旋以舊任錢糧未職者更有署印僅及兩三月即以悞餉悞漕例革者其淹抑尤可傷也現在久經禡革之官羈留賠累馴至流離死亡孑身求活者不下數十餘員誠如臺疏所請考其受病之源是亟宜調劑奏請處置者也為今之計請憲臺特賜且題亟為調救之方以垂永久之利蘇松兩郡額賦量為酌減即不能如他省之輕亦得照常鎮科則一体分別征輸則民力稍寬一分

國課總收實數而民困可甦矣。毋海坍江板荒公占
田地現在遴員詣各府州縣逐一踏勘造冊呈憲報
部請賜豁除賦糧。其板荒田內有尙堪招募墾墾者
力行設法勸諭墾種。許以五年後陞科。有司仍准守
錄則虛糧既豁。款項亦減。無包賠掛欠之憂矣。其考
成則例。卽不敢過望。寬息謹照。

世祖章皇帝舊例未完不及一分者。在子免議。則司府
多方督徵。長吏安心比解。如是而地方之官。猶不能
整頓精神。以樹尺寸之効者。此庸騫不肖之材。卽行
褫革。又何有杜棄之歎哉。本司更有請者。人才各有

長短之殊。地方各有煩簡之別。往代舊例。得量才調
補我。朝向未舉行。竊謂蘇松常鎮財賦浩繁。牛處
稱劇。卽將來蒙恩寬豁。賦額猶十倍于他省之中。爲
請憲特題破例。仍准調煩調簡。或于隣省採訪長才
有司調補。此地或于本省徽寧廬鳳及淮揚屬邑內
果有才堪任劇者。請調蘇松常鎮他省不得爲例。蓋
拙短之材。而處以劇地。如長洲崑山等縣。則不爲錢
糧不能完解。卽民間一切利病。亦至闔茸廢弛。若夫
四應之才。則綜核既見。其井然幹辦。自見其憂裕大
小事宜。皆隨人而振起矣。洵乎調煩調簡之舉。斷斷

宜行誠如是而長才得展其能庸才短之官原非貪
墨昏庸者補一僻簡之地亦得保全寸進此則經權
互用之道而鼓舞人才之大端也或者謂浮糧豁荒
二事今國用未當充裕之時似難輕議減豁且既
請減豁未便更寬考成然三吳重地財賦甲于天下
即今日在減賦豁荒之令歲額壯繁坡枝者其根必
傷源遠者其流必長與其悉索做賦加之以弗勝無
寧節力養民取之而不匱况今日徒有煩賦之名止
懸掛父之累得失輕重較若列眉若仍苟且因循期
于奉法無過竊恐蘇松四郡民艱日甚吏困日深地

方之敝壞將來實切隱憂不止于枉棄人才使
家不收養士之報也至淮揚二屬向來錢糧尚稱易
完止因邇年登受水災奉蠲缺額高寶山沭桃宿邳
等州縣七八九年蠲缺驛站銀四萬幾千餘兩緊差
應付無資各屬飛章申籲業經屢請咨部撥補在案
此雖一時之天災人事非閱經久之謀然臺疏內原
稱有或係驛站倒斃難支之語是皇華要務二屬亟
望解懸諒蒙憲臺洞照統祈并賜主持採擇入告倘
邀

聖恩俞允則吏圖自効民慶更生地方可無敝壞之

欽定四庫全書

欽定四庫全書

虞人材亦無枉棄之歎矣云云

增

